

古

謠

諺

古謠諺卷七十四

秀水杜文瀾輯

時人爲釋支謙語

高僧傳支謙字恭明一名越本月支人來游漢境初漢桓靈之世有支讖悔出衆經有支亮字絕明亮學於讖謙又受業於亮博覽經籍莫不諳究世間伎藝多所綜習遍學異書通六國語其爲人細長黑瘦眼多白而精黃時人爲之語曰

支郎眼中黃形軀雖細是智囊

廣博物志卷二十五細作瘦戲瑕卷一按晉

支遁字道林世稱林公亦稱支公亦稱支法師亦稱林道人亦稱林法師未嘗呼郎也然則支郎之名終當屬北地道人耳

時人爲釋道安語

高僧傳釋道安姓衛氏常山扶柳人也形雖不逮於人而聰儻罕儔七歲讀書再覽能誦年至十三出家日誦萬言不差一字師敬異之爲受具戒恣其游學至鄴乃入中寺遇佛圖澄澄見而嗟異與語終日因事澄爲師澄講安覆疑難

鋒起安挫銳解紛行有餘力時人語云

漆道人驚四鄰

時人爲釋法上諺語二則

高僧傳釋法上善機問好徵覈而形色非美故

時人諺曰

云

又徧洞算數明了機調故時人

語曰

云

云

黑沙彌若來高座逢災

京師極望道場法上

時人評八僧語

古謠諺

卷七十四

曼陀羅華閣

高僧傳宋長安龍光寺有竺道生本姓魏鉅鹿人也少小出家聰銳神異年在志學便登法座吐納宮商道俗高伏年至具戒器鑒日深性度機警神氣清穆初生與叡公及嚴觀同學齊名故時人評曰

云

生及叡公獨標天真之目故

以秀出羣士矣

生叡發天真嚴觀窪流得慧義彭亨進寇淵千默塞

藏薇山兩童子歌

高僧傳齊南海荆山釋法獻居延祥寺後入藏

薇山創寺成後有兩童子攜手來歌云

藏薇有道德歡樂方未央

東陽爲釋慧約謠

高僧傳釋慧約姓婁氏年十二始遊於剡遠會
素心多究經典故東陽謠曰

少達妙理婁居士

時人爲釋神照語

高僧傳釋神照嘗往鄴聽說大乘論一遍無遺

時人語曰

河南一遍照英聲不徒召

鄴下爲釋靈裕語

高僧傳釋靈裕精爽宏瞻理相兼通故鄴下諺

曰

衍法師伏道不伏俗裕法師道俗俱伏

時人爲釋道經慧靜語

高僧傳釋慧靜姓王東阿人少游學伊洛之間

晚厯徐兗容甚黑而機悟清遠時洛中有沙門
道經亦解邁當時與慧靜齊名而耳甚長大故

時人語曰

洛下長大耳東阿黑如墨有問無不酬有酬無不塞

時人爲釋貞觀語

高僧傳釋貞觀學士傳緯曰三千稱首七十當
初是上人者當爲酬對時人語曰

錢塘有貞觀當天下一半

并州人爲釋道傑語

高僧傳釋道傑厯遊講肆觀略同異凡經六載

咸陳難擊故并州語曰

全唐詩十二函入武德中蒲州棲巖寺釋道傑

游并晉講肆難擊能令
人流汗并州人語曰

大頭傑難殺人

時人爲釋皎然靈徹道標語

高僧傳道標詩章比之潘陸當時吳興有清晝

會稽有靈徹語曰云每飛章寓韻竹夕花時

彼三上人者當四面之敵全唐文卷九百十九

皎然傳釋皎然名晝姓謝氏長城人康樂侯十
世孫也幼負異才性與道合初脫羈絆漸加削

染與武邱山元浩會稽靈
澈爲道交故時諺曰云云

雪之晝能清秀越之徹洞冰雪杭之標摩雲霄

釋道世引俗言

法苑珠林

卷四十九不孝篇棄父部

如雜寶藏經云有國名

棄老國彼國土中有老人者皆遠驅棄有一大臣其父年老依如國法應在驅遣大臣孝順心所不忍乃深掘地作一密窟置父著中隨時孝養爾時天神捉持二蛇著王殿上而作是言若別雄雌汝國得安若不別者汝身及國七日之後悉當覆滅王聞是己心懷懊惱卽與羣臣參議斯事各自陳謝稱不能別卽募國界誰能別

者厚加爵賞大臣歸家問其父父荅子言此事
易別以細輓物停蛇著上其躁燒者當知是雄
住不動者當知是雌卽如其言果別雄雌如是
所問悉皆荅之臣荅王言非臣之智國有制令
不聽養老臣有老父不忍驅遣致犯王法藏著
地中臣來應荅盡是父智非臣之力唯願大王
一切國土還聽養老王卽歎美心生喜悅奉養
臣父尊以爲師濟我國家一切人命如此利益
非我所知卽便宣令普告天下不聽棄老仰令

孝養其有不孝父母不敬師長當加大罪原注

云故俗云

云

云卽其是也

養老乞言

按禮記內則亦載此語但只言禮制未標俗言故置彼錄此

盧至長者醉歌

法苑珠林

卷七十七十惡篇慳貪部

盧至長者經云昔佛在

世時舍衛城中有一長者名曰盧至其家巨富

財產無量如毗沙門由於往昔施勝福田故獲

斯報然其施時不能志心故今雖富意長下劣
所著衣裳垢弊不淨食則糠菜以充其飢渴唯
飲水行乘朽車勤營家業猶如奴僕常爲世人
之所嗤笑後於一時城中人民大作節會莊嚴
舍宅懸繒旛蓋香水灑地散衆名華種種嚴麗
伎樂歌舞歡娛受樂猶若諸天盧至見已便生
念言彼旣歡會我亦當爾卽疾歸家自開庫藏
取得五錢得已思念若在家食母妻眷屬不可
周徧若至他舍恐主所奪於是卽用兩錢買麩

兩錢酤酒一錢買葱從內家中取鹽一把衣衿
裹之齋出城外至空靜處酒中鹽薑和麪飲之
時復嚙葱先不飲酒卽時大醉醉已起舞揚聲
而歌辭曰

我今節慶會縱酒大歡樂逾過毗沙門亦勝天帝釋

阿育王引昔賢諺

法苑珠林

卷八十四六
度篇禪定部

求離牢獄經云時有阿

育王弟名善容亦名違陀首祇入山遊獵見諸
梵志鰥形苦行而無所得王弟尋生惡念時阿

育王聞弟有此議論卽懷憂感吾唯有一弟忽
生邪見恐永迷沒我當方宜除其志念卽還宮
內敕諸妓女各自嚴粧至善容所共相娛樂時
諸妓女卽往娛樂未頃時頃王躬自往奮其威
怒以輪擲空召諸大臣卽告之曰吾曾聞古昔
諸賢有此諺言

云

云

如我自察未有斯變然我

弟善容誘吾妓女妻妾縱情自恣事旣如是豈
有我乎汝等將去詣市殺之諸臣諫曰惟願大
王聽臣微言唯有此一弟又少息允無繼嗣者

願聽七日爲王求依王命時王默然聽臣所諫
至七日到王遣使問云何王子七日之中意志
自由不亦快乎白王言應死之人當有何情著
於五欲王告弟曰汝今一身憂慮百端一身斷
滅在欲不樂豈況沙門憂念三世是時王子心
開意解前白王言今聞王教乃得惺悟卽辭王
出爲沙門奉持禁戒

夫人有福四海歸伏盡其德薄肘腋叛離

淨端禪師吟

五燈會元

卷十

安吉州西余師子淨端禪師本

郡人也姓邱氏始見弄師子發明心要往見龍
華蒙印可遂旋里合綵爲師子皮時被之因號
端師子丞相章公慕其道躬請開法吳山化風
盛播開堂日僧官宣疏至推倒回頭趯翻不托
七軸之蓮經未誦一聲之漁父先聞師止之遂
登座拈香祝聖罷引聲吟曰

云

大衆雜然稱

善師顧笑曰諦觀法王法法王法如是便下座

本是瀟湘一釣客自西自東自南北

衛州王大夫歌

五燈會元

卷十

衛州王大夫遺其名以喪偶厭

世相遂參元豐於言下知歸豐一日謂日子乃
今之陸亘也公便掩耳旣而回壇山之陽縛茅
自處者三載偶歌曰

壇山裏日何長青松嶺白雲鄉吟鳥啼猿作道場散髮
采薇歌又笑從教人道野夫狂

性空海濱唱

五燈會元

卷十

嘉興府華亭性空妙普庵主漢

州人久依死心獲證乃抵秀水追船子遺風結
茅青龍之野吹鐵笛以自娛紹興庚申冬造大
盆穴而塞之修書寄雪竇持禪師曰吾將水葬
矣壬戌歲持至見其尙存作偈嘲之曰咄哉老
性空剛要餒魚斃去不索性去祇管向人說師
閱偈笑曰待兄來證明耳令徧告四衆衆集師
爲說法要仍說偈曰坐脫立亡不若水葬一省
柴燒二省開壙撒手便行不妨快暢誰是知音
船子和尙高風難繼百千年一曲漁歌少人唱

遂盤坐盆中順潮而下衆皆隨至海濱望欲斷
目師取塞犀水而回衆擁觀水無所入復乘流
而往唱曰云其笛聲嗚咽頃於蒼茫間見以
笛擲空而沒衆號慕圖像事之後三日於沙上
趺坐如生道俗爭往迎歸留五日闍維舍利大
如菽者莫計二鶴徘徊空中火盡始去衆奉舍
利靈骨建塔於青龍

船子當年返故鄉沒蹤跡處妙難量眞風徧寄知音者
鐵笛橫吹作散場

五祖唱綿州巴歌

五燈會元

卷十九

漢州無爲宗泰禪師涪州人自

出關徧遊叢社至五祖祖一日陞堂顧衆曰八

十翁翁輓繡毬便下座師欣然出衆曰和尚試

輓一輓看祖以手作打仗鼓勢操蜀音唱綿州

巴歌曰

云

師聞大悟掩祖口曰祇消唱到這

裏祖大笑而歸

豆子山打瓦鼓楊平山撒白雨白雨下取龍女織得絹

二丈五一半屬羅江一半屬元武

明詩綜卷三十四楊慎送余學官歸羅江

詩前半全用此歌惟二字作三其下接云我誦綿州歌
云云李氏調元羅江縣志山作關取作娶又云按明
曹學佺名勝志羅江兩水相蹙成羅紋因以爲名及考
宋輿地廣記則疑羅江卽潺亭又云有羅璣記江因以
爲名迄無定論今按晉詩一半屬羅江則羅江早見於
晉不始於唐矣或者江先名羅然後名縣歟駢字類
編卷八十七白
雨下作下白雨

普融僧引俚語

五燈會元

卷十

普融知藏福州人也至五祖入

室次祖舉倩女離魂話問之有契呈偈曰二女

合爲一媳婦機輪截斷難回互從來往返絕蹤

由行人莫問來時路凡有鄉僧來謁則發閩音

誦俚語曰

云

云

且道中間說個甚麼僧擬對師

卽推出

書頭教娘勤作息書尾教娘莫瞌睡

釋道安引諺

二教論諺曰

紫實味朱狂斯濫哲

古謠諺卷七十四終

古謠諺卷七十五

秀水杜文瀾輯

司馬相如琴歌

司馬文園集琴歌二首

自敘傳相如家貧無以自業素與臨邛令王吉

相善臨邛中多富人而卓王孫家僮八百人程鄭亦數百人二人曰令有貴客爲具召之并召令相如彊往一坐盡傾酒酣臨邛令前奏琴曰竊聞長卿好之願以自娛相如辭謝爲鼓一再行是時卓王孫有女文君新寡好音故相如繆與令相重而以琴心挑之

鳳兮鳳兮歸故鄉遨遊四海求其凰

類聚卷四十三遨遊作遊遨御覽

卷五百七十二求其作索我

時未遇兮無所將

御覽遇上有何悟今通字無兮字

古謠諺

卷七十五

曼陀羅華閣

夕升斯堂有艷淑女在閨房

御覽閨作此

室邇人遐毒我腸

何緣交頸爲鴛鴦胡頔頔兮共翱翔

鳳兮鳳兮從我棲

高氏承勲豪譜我作吾

得托孳尾永爲如交情

通體心和諧中夜相從知者誰雙翼俱起翻高飛無感
我思使余悲

按司馬文園集據張氏溥輯本採錄

馮衍引鄙語

馮曲陽集與陰就書伏見君侯忠孝之性慈仁
殷勤論議周密思慮深遠顧以微賤數蒙聖恩

被侯大惠衍年老被病無所效其死力側聞東
平山陽王壯當之國擇除官屬衍不自量願侯
白以衍備門衛鄙語曰云不念舊惡名賢所
高負責之臣欲言不敢惟侯哀憐深畱聖心則
闔棺之日魂復何恨

水不激不能破舟矢不激不能飲羽

按馮曲陽集據張氏溥輯本採錄

曹操引諺論選舉

魏武帝集選令諺曰

云

云

昔季闡在白馬有受

金取婢之罪棄而弗問後以爲濟北相

失晨之雞思補更鳴

又引里諺論禮

魏武帝集讓禮令里諺曰

云

斯合經之要矣

讓禮一寸得禮一尺

野客叢書引鄒俗語謂讓一寸饒一尺語出此通俗編卷九按今

俚語爾敬我一尺我敬爾一丈本此

按魏武帝集據張氏溥輯本採錄

陳思王植引諺三則論知人

陳思王集

卷一

黃初五年令夫遠不可知者天也

近不可知者人也傳曰知人則哲堯猶病諸諺

曰

云

唯女子與小人爲難養也近之則不遜

遠之則有怨自世間人或受寵而背恩或無故而入叛唯無深瑕潛釁隱過匿愆乃可以爲人

諺曰

云

又曰

云

乃知韓昭侯之弊袴良有

以也諸吏各敬爾在位推一槩之平功之宜賞於疏必與罪之宜戮在親不赦

人心不同若其面焉

按左氏襄三十一年傳子產言人心不同如其面焉

惟彼不言諺故置彼錄此

穀千驚不如養一驢

穀驚養虎大無益也

按陳思王集據張氏溥輯本採錄

嵇康引俗語論學

嵇中散集難自然好學論夫民之性好安而惡
危好逸而惡勞故不擾則其願得不逼則其志
從洪荒之世大朴未虧君無文於上民無競於
下大道陵遲乃始作文墨以傳其意是以求安

之士乃詭志以從俗積學明經以代稼穡是以困而後學學以致榮計而後習好而習成有似自然故令吾子謂之自然耳俗語曰云若遇上有無文之始可不學而獲安不勤而得志則何求於六經何欲於仁義哉以此言之則今之學者豈不先計而後學苟計而後動則非自然之應也

乞兒不辱馬醫

按嵇中散集據張氏溥輯本採錄

魏無名氏引諺論陰陽家

嵇中散集逸文

據桃林伐山卷十三續古文苑卷九

魏無名氏宅

無凶吉攝生論凡以忌崇治家者求福而其極

皆貧故有

云

之諺古言無虛不可不察也

知星宿衣不覆

按此條當係附刊嵇集張氏輯本未載

孫綽引諺論忠孝

孫廷尉集喻道論夫忠孝名不並立潁叔違君
書稱純孝石碣戮子武節乃全傳曰子之能仕

父教之忠策名委質二乃辟也然則結纓公朝者子道廢矣何見危授命誓不顧親皆名注史筆事標教首記注者豈復以不孝爲罪故諺曰

云明其雖小違於此而大順於彼矣

求忠臣必於孝子之門

按孝經緯及後漢書韋彪傳亦引此語而不言諺故置彼錄此

又按孫廷尉集據張氏溥輯本採錄

陶潛引俗諺論親舊

陶彭澤集答龐參軍詩序三復來貺欲罷不能
自爾鄰曲欵然良對忽成舊遊俗諺云云況
情過此者乎

數面成親舊

按陶彭澤集據張氏溥輯本採錄

徐陵引世諺論職官

徐僕射集在吏部尚書答諸求官人書且世諺

云

云梁孝元帝承侯景之凶荒王太尉接荊州

之禍敗爾時喪亂無復典章故使官方窮此紛

雜自紹泰太平及永定中聖朝草創爾時州州
自帝郡郡稱王天下干戈尙無條序兼以府庫
空虛賞賜懸乏白銀之寶難得黃紙之板易營
假以官榮代於錢絹故員外常侍路上比肩諮
議參軍市中無數四軍五校車載斗量豈是朝
章應其如此今衣冠禮樂日富年華何可猶作
亂世意而覓非分之官耶

圖官在亂世覓富在荒年

按徐僕射集據張氏溥輯本採錄

王勃引諺論慎滿

王子安集平臺秘略論夫陵谷好遷乾坤忌滿
哀樂不同而不遠吉凶相反而相襲故有全中
卒行用心於不事之場杜漸防微投迹於知幾
之地昔之善持滿者用此者也諺曰

云
前代

有以之興矣

禍不入慎家之門

陳子昂引諺論出使

陳拾遺集上軍國利害事臣伏見陛下將降九

道大使巡察天下諸州兼申黜陟以求人瘼甚
大惠也天下百姓幸甚昔堯舜氏不下席而天
下理者蓋黜陟幽明能折中爾今陛下方開中
興之化建萬代之功天下瞻望冀見聖化此之
一使是陛下爲政之大端也諺曰云不可不
慎也

欲知其人觀其所使
輿人誦張知古

陳拾遺集漢州雒縣令張君吏人頌德碑府君

姓張氏名知古代在關中今爲宜州人也皇帝
清問下吏乃用勅撫茲荒邑昔者苛政未作封
境保安迨殘猛肆至蝨賊內訌始於碩鼠之侵
終屠餓狼之喙杼柚旣盡郭邑殆空我府君殷
然始宣皇明恭職事巡省黃髮周爰令圖所以
綏亡固存蠲虐去暴與百姓更始者與人斐然
乃作誦曰

我有聖帝撫令君遭暴昏桀憊寡紛民戶流散日月曠
君去來兮惠我仁百姓蘇矣見陽春

郭公姬人學仙謠

陳拾遺集館陶郭公姬薛氏墓誌銘姬人姓薛氏本東明國王之兄也父永冲有唐高宗時與金仁問歸國拜左武衛大將軍姬人少號仙子年十五大將軍薨遂翦髮出家將學金仙之道而見寶手菩薩靜心六年青蓮不至乃謠曰云遂返初服而歸我郭公長壽二年卒

化雲心兮思淑真洞寂滅兮不見人瑤草芳兮思葢葢

全唐詩十一函十
注云一作氣氤

將奈何兮青春

古謠謠

卷七十五

曼陀羅華閣

潞州金橋童謠

張燕公集皇帝在潞州祥瑞頌金橋在潞南二

里常有童謠云

云

皇帝景龍三年十月二十

有五日由此橋朝京師

聖人執節度金橋

卷四百四十二潘炎
金橋賦序度作渡

張說引諺論農功

張燕公集請置屯田表竊見漳水可以灌巨野

淇水可以溉湯陰若開屯田不減萬頃化荏葦

爲秔稻變斥鹵爲膏腴用力非多爲利甚溥諺

御覽卷三十五引云袁子正書作語云來歲甫邇春事方興

願陛下不失天時急趨地利上可以豐國下可以廩邊河漕通流易於轉運此百代之利也

歲在申酉袁子正書申作辛乞漿得酒

時人爲元奘法師兄弟語

張燕公集大唐西域記序法師元奘俗姓陳氏其先潁川人也令兄長寂法師釋門之棟幹者也遠邇宗挹爲之語曰云汝潁多奇士誠哉

是言

昔聞荀氏八龍今見陳門雙驥

天下談士爲韓朝宗言

李太白集

卷二
十六

與韓荊州書白聞天下談士相

聚而言曰

云

何令人景慕一至於此耶

生不願封萬戶侯但願一識韓荊州

賓朋爲裴長史歌

李太白集

卷二
十六

上安州裴長史書伏惟君侯貴

而且賢鷹揚虎視而高義重諾名飛天京月費

千金日宴羣客所在之處賓朋成市故詩人歌

曰云不知君侯何以得此聲於天壤之間豈不由重諾好賢謙以下士得也

賓客何喧喧日夜裴公門願得裴公之一言不須驅馬埒華軒

黃州爲左振歌

元次山集左黃州表乾元己亥贊善大夫左振出爲黃州刺史下車黃人歌曰云於戲天下

兵興今七年矣淮河之北千里荒草自關已東海濱之南屯兵百萬不勝征稅獨黃人能使其

人忍不去者誰曰不可頌乎後一歲黃人又歌

曰云

於戲近年以來以陰陽變怪將鬼神之道罔上惑下得尊重於當時者日見斯人黃之

巫女亦以妖妄得蒙恩澤朝廷不問州縣惟其

意公忿而殺之則彼可誅戮豈獨巫女如左公

者誰曰不可頌乎

容齋四筆卷四唐肅宗時王璵以祠禱見寵驟得宰相帝

嘗不豫璵遣女巫乘傳分禱天下名山大川巫

皆盛服中人護領所至干託州縣賂遺狼籍時

有一巫美而豔以惡少年數十自隨尤檢狻不

法馳入黃州刺史左震晨至館請事門鏑不啟

震怒破鏑入取巫斬廷下悉誅所從少年籍其

賊得十餘萬因遣還中人璵不能詰帝亦不加

罪震剛決如此而史不記其他事予讀元次山集有左黃州表一篇云云蓋此巫黃人也振在州三遷侍御史判金州刺史將去黃人多去思故爲作表予謂振卽震也爲政宜民見於歌頌史官當特書之於循吏中而僅能不沒其實故爲標顯於此已亥者乾元二年璵以元年五月自太常少卿拜中書相二年三月罷本紀及宰相表同而新史本傳以爲三年自太常卿拜相明日罷失之矣乃承舊史之誤也

我欲逃鄉里我欲去墳墓左公今旣來誰忍棄之去
吾鄉有鬼巫惑人人不知天子正尊信左公能殺之

選人爲崔沔王邱歌

顏魯公集博陵崔孝公宅陋室銘記公諱沔字

若冲博陵安平人分掌十銓公與王邱爲選人

所歌曰

云

時人隄之

汴水澄明徹底清邱山介直連天峻

事文類聚新集卷十一合璧事類後

集卷二十七引分紀全唐詩十三面八邱山句在汴水句上明作澄介直作岌岌

揚州民爲杜公誦

梁補闕集通愛敬陂水門記歲在戊辰揚州牧

杜公命新作西門所以通水庸致人利也冬十

有二月土木之工告畢當開元以前京江岸於

揚子海潮內於邗溝過茱萸灣北至邵伯堰無

隘滯之患其後江派南徙波不及遠河流浸惡
日淤月填隨導隨塞人不寬息物不滋殖百有
餘年矣貞元初公由秋官之貳出鎮茲土相川
原度水勢自江都而西循蜀岡之右得其浸曰
句城湖又得其浸曰愛敬陂方圓百里支輔四
集盈而不流決而可注於是變濁爲清激淺爲
深潔清澹澄可灌可鑒然後漕輓以興商旅以
通其夾隄之田化磽薄爲膏腴者不知幾千萬

畝野人誦曰

云

都人誦曰

云

云

按陂本魏廣

陵守陳登所設時人愛其功而敬其事故以名
之謝文靖成堰又以召公之德爲稱有魏以還
五百餘載不朽之績及公而三皆在斯邦不其
盛歟

廬廬原田自今以始歲其豐年
沔彼流水我邦是紀鍾美不知

案以新舊唐書通鑑考之貞元戊辰節度揚州者乃
杜亞也

古謠諺卷七十五終

古謠諺卷七十六

秀水杜文瀾輯

汴州人爲董晉歌

韓昌黎集

卷三十七

董公行狀公諱晉字混成拜檢

校尚書左僕射同中書門下平章事汴州刺史

宣武軍節度副大使知節度事公旣受命遂行

及郭三軍緣道謹聲庶人壯者呼老者泣婦人

啼遂入以居貞元十二年七月也十五年二月

三日薨於位公之薨也汴州人歌之曰

云

又

歌曰

云

云

濁流洋洋有闢其郭闐道謹呼公來之初今公之歸公

在喪車公既來止東人以完今公沒矣人誰與安

考異云人

誰或作其誰

按

外集作其非是

道州民爲薛刺史歌

柳柳州集道州毀鼻亭神記鼻亭神象祠也不

知何自始立因而勿除完而恒新相傳且千歲

元和九年薛公由刑部郎中刺道州除穢革邪

敷和於下州之罷人去亂卽治變呻爲謠若瘕

而起若矇而瞭騰踴相視謹愛克順旣底於理
公乃考民風披地圖得祠駭曰象之道以爲子
則傲以爲弟則賊君有鼻而天子之吏實理以
惡德而專世祀殆非化吾人之意哉命亟去之
州民旣諭相與歌曰

我有耆老公燠其肌我有病癰公起其羸髻童之鬻公
實智之鰥孤孔艱公實遂之孰尊惡德遠矣自古孰羨
淫昏俾我斯瞽千歲之冥公闢其戶我子洎孫延世有
慕

連山郡乳穴謠

二

柳柳州集連山郡復乳穴記石鍾乳餌之最良者也楚越之山多產焉於連於韶獨名於世連之人告盡焉者五載矣以貢則買諸他郡今刺史崔公至逾月穴人來以乳復告邦人悅是祥也雜然謠曰云穴人笑之曰是惡知所謂祥也嚮吾以刺史之貪戾嗜利徒吾役而不吾貨也吾是以病而給焉今吾刺史令明而志潔先賴而後力欺誣屏息信順休洽吾是以誠告焉

毗之熙熙崔公之來公化所徹土石蒙烈以爲不信起
視乳穴

國學生徒爲齊皞韋公肅歌

劉賓客集國學新修五經壁本記初大厯中名
儒張參爲國子司業始詳定五經書於論堂東
西廂之壁積六十歲渙然不鮮今天子尙文章
尊典籍於苑囿不加尺椽而成均以治國學上
言遽賜千萬時祭酒皞實尸之博士公肅實佐
之國學重嚴過者必式遂以羨羸再新壁書懲

前土塗不克以壽乃析堅木負墉而比之筆削
旣成讐校旣精於是學官陳師正等暨生徒凡
四百二十有八人請金石刻且歌之曰云
書之以移史官宜附於藝文云故

我有學宇旣傾而成之我有壁經旣昧而明之孰規模
之孰發揮之祭酒惟齊博士惟韋俾我學徒弦歌以時
切切祁祁不敖不嬉庶乎適人來采我詩

成都人爲段公謠

劉賓客集成都府新修福成寺記益城右門大

達坦然西馳曰石筍街街之北有仁祠形焉直
啟曰福成寺大和四年蜀帥非將材南詔君長
乘隙竄入此寺乃焚高門修廊委爲寒燼如是
者再歲帝念坤維丞相復來山川如迎父老相
識環視故地寺爲焦墟載興起廢之歎爰有植
因之願歛自火宅復爲金繩於是都人舞忭而
謠曰云庸可勿紀乎時大和某年某月日大
檀越具官封爵段氏

昔公去此福成以毀今公重還福成以完民安軍治亦

如此寺

案以新舊唐書及通鑑考之大和中成都遭兵燹之後爲節度使者乃段文昌也

荆門縣民爲裴公謠

劉賓客集復荆門縣記直故郢北走之道其聚邑曰荆門居殷形束之要有由勇爵而授赤社於斯者謂相沿非智因請罷去其號有司可其奏黎民病之君子病之永貞元年江陵尹裴公政成上游德及矜人大建長利俾無遺害乃外

濟羣欲內張全模周圖經制條白於狀昌言旣
從公議攸同官修其方人樂其居元和三年公
以介圭入覲途出斯邑邑人之華皓幼童咸須
於道周距躍而謠曰 云 卻略踴躍百形一音
公爲駐錯衡而勞之有以文從公者紀事於牘
起我堙廢而完之徠我蕩析而安之昔室於墟風搖雨
濡自公優柔郭開盈兮昔飲於滂夏溷冬枯自公感通
膺沸生兮淑旂之華兮四牡之騑俟公之還兮觴以祝
之

案以新舊唐書及通鑑考之永貞元和間尹江陵者
乃裴均也

李翱拜禹歌

李文公集拜禹言貞元十五年六月二十九日
隴西李翱敬載拜於禹之堂下自賓階升北面
立弗敢嘆弗敢祝弗敢祈退降復敬再拜哭而
歸且歌曰

惟天地之無窮兮哀生人之常勤往者吾弗及兮來者
吾弗聞已而已而

吉州民爲刺史張公歌

皇甫持正集吉州刺史廳壁記自江而南吉爲
富州民朋吏鬪分土艱政御史中丞張公用清
白端正之治詔書寵褒賜以金紫移莅於吉下
車之初視簿書簿書勢如絲視胥吏胥吏沸如
糜召詰其官皆眊然如醒登進其民皆藹然而
疲公於是大新其典爲之開之以修省簡便鍵
之以勤彊練密威令神行惠利川流未及再朞
庶富而教至於無事百姓扶老提穉載路而歌

曰云

云

於是掾吏將卒趨伏固請願書於公堂

之北壁

昔吏詭詭今吏詹詹公能馭之鈐亦爲鈐跖亦爲廉始
泄而苦終優以恬昔民嗷嗷今民哈哈公能植之鰥寡
有怡流亡旣來徭稅先具汙茨盡開嚮覆官倉倉無斗
糧公來幾時積粟埋梁嚮閱官庫庫無尺縑公來幾時
山積層層瑞露溶溶降味公松瑞蓮漪漪合蒂公池公
有異政神之祚之民歌路謠冀聞京師天子明聖恩光
遠而

杭州民誦房使君

李元賓集

卷四

上杭州房使君書使君令問熙洽

穆如清風吏不慢局獄無撓刑斬前守之苛弊
若嗇夫之去草能於是民誦之曰

雖有饑饉必遇豐年大盜旣去我公來臻

李觀引諺論修學

李元賓集

卷五

請修太學書夫學廢則士亡士亡

則國虛國虛則上下危上下危則禮義銷禮義
銷則狂可姦聖賊可凌德聖德逶迤不知所終

諺所謂

云

云

斯言損益有漸非聰詰靡察也

溜之細穿石縵之細斷榦

元稹引諺二則諭淮西

元微之集代諭淮西書今天子垂側隱之詔建

招撫之名諺曰

云

又曰

云

云

書至之日善自

圖之

天不可違

時不可失

白居易引諺

白香山集

後集卷五

雙鸚鵡詩鄭牛識字吾嘗歎自

注云諺云

鄭元家牛觸牆成八字

蘇軾游赤壁歌

東坡集

卷二

赤壁賦壬戌之秋七月既望蘇子與

客泛舟游於赤壁之下清風徐來水波不興少

焉月出於東山之上徘徊於斗牛之間白露橫

江水光接天於是飲酒樂甚扣舷而歌之歌曰

桂棹兮蘭槳擊空明兮泝流光渺渺兮余懷望美人兮

天一方

蘇軾引諺論勇敢

東坡集

卷十

策別三其三曰倡勇敢致勇莫先乎

倡均是人也皆食其食皆任其事天下有急而
有一人焉奮而爭先而致其死則翻然者衆矣
弓矢相及劍楯相搏勝負之勢未有所決而三
軍之士屬目於一夫之先登則勃然者相繼矣
天下之大可以名劫也三軍之衆可以氣使也
諺曰

云

云

苟有以發之及其翻然勃然之間而

用其鋒是之謂倡

一人善射百夫決拾

又引蜀諺論政

東坡集

卷十

墨寶堂記毗陵人張君希元家世

好書所蓄古今人遺跡至多盡刻諸石築室而

藏之屬余爲記余蜀人也蜀之諺曰

云

此言

雖小可以喻大世有好功名者以其未試之學而驟出之於政其費人豈特醫者之比乎今張君以兼人之能而位不稱其才優游終歲無所

役其心智則以書自娛然以余觀之君豈久閒
者蓄極而通必將大發之於政君知政之費人
也甚於費紙則願以余之所言爲鑒

學書者紙費學醫者人費

蘇軾游桓魋墓歌

東坡集

卷十

游桓魋山記元豐二年正月己亥

晦春服旣成從二三子游於泗上登桓山曰噫
嘻悲夫此宋司馬桓魋之墓也二三子喟然而

歎乃歌曰

云

云

歌闋而去

桓山之上維石嵯峨兮司馬之惡與石不磨兮桓山之
下維水瀾瀾兮司馬之藏與水皆逝兮

蘇軾引里諺論江瑤柱

東坡集

卷十

江瑤柱傳太史公曰里語有云

云

云瑤柱誠美士平方其爲席上之珍風味藹然
雖龍肝鳳髓有不及者一旦出非其時而喪其
眞衆人且掩鼻而過之

果蓏失地則不榮魚龍失水則不神

宋時四方爲折納藉納產業語

東坡集

卷二十八

應詔論四事狀貼黃近以蘇州官

吏妄有申明折納藉納一事戶部從而立法致
已給還產業卻行追收人戶詣道哀訴皆云黃
紙放了白紙卻收有泣下者臣竊深悲之自二
聖嗣位以來恩貸指揮多被有司巧爲艱闕故
四方皆有云之語雖民知其實止怒有司然
陛下亦未嘗峻發德音戒勅大臣令盡理推行
則亦非獨有司之過也

黃紙放而白紙收

蘇軾引里諺論上下鄉

東坡集

卷三十四

論浙西閉糴狀本路唯蘇湖常秀

等州出米浩瀚常飽數路漕輸京師自杭睦以

東衢婺等州謂之上鄉所產微薄不了本莊所

食里諺云

云

蓋全仰蘇秀等州商旅販運以

足官私之用

上鄉熟不抵下鄉一鍋粥

蘇軾引鄉諺誚客齎

東坡集

卷五

與陳季常尺牘彼不相知者視僕

之飢飽如觀越人之肥瘠耳鄉諺有云二云者

公識之

缺口鑷子

自注缺口鑷子者取一毛不拔

盤游飯里諺

東坡集

卷六十二

書陸道士詩江南人好作盤游飯

鮓脯膾炙無不有然皆埋之飯中故里諺云

二云

云羅浮穎老取凡飲食雜烹之名谷董羹坐客

皆稱善詩人陸道士遂出一聯句云投醪谷董

羹鍋內掀窄盤游飯碗中

撇得箬子

蘇軾引俗語

東坡集

卷六十八

題連公壁俗語云

云

真可信吾

觀安國連公之子孫無一不好事此寺當日盛矣

強將下無弱兵

程續引黃河諺語

蘇詩合註

卷十五

桓魋墓詩側手區區豈易遮王

註續曰時河決水方退諺有

云

之語

側手障黃河

趙次公引諺

蘇詩合註

卷二十一

東坡詩刮毛龜背上何時得成

檀王註次公曰

云

乃諺語也

龜背上刮檀毛

施元之引俗諺釋百巧

蘇詩合註

卷二十一

答二猶子詩古來百巧百窮人

施註古老有

云

之語至今俗諺尙爾

百無一有百巧百窮

又引俗諺釋面赤

蘇詩合註

卷二

岐亭詩何復得此酒冷面如君

赤施註俗諺有

云

之語

無錢喫酒如人面赤

燈火諺

蘇詩合註

卷三

石塔寺詩雖知燈是火不悟鐘

非飯王註次公曰諺云

馮氏應榴云諺語見五燈會元僧衆問用元禪

師語

早知燈是火飯熟已多時

蘇轍夢聞仙人歌

穎濱集游仙夢記熙寧十年予在南京幕府四月一日以臥病夢薄游一所樓觀巍然門之榜曰神府堂之榜曰朝真旋臨一閣左碧池右雕闌中有一亭几案酒殽悉備九人聚坐其間視予自若予頗嫌其簡傲捨而出俄聞招呼之聲回顧之一青鬢也引詣庭中一人云邀至預坐輒廁其旁其一蒼顏白髮者命酒同酌有抵掌而歌者曰

云

云

酒酣予求退其人曰盍少畱以

竟揮塵之樂乎良久爲家人驚呼而寤

紅塵紛處兮人間世白雲深處兮神仙地仙家春色兮
億萬年蟠桃香暖兮雙鸞睡北看瀛洲兮咫尺門西顧
方壺兮三百里逍遙無爲兮古洞天洞天不老兮無人
至

金淵諺

淨德集

卷三十一

次伯通雲頂山長句韻金淵地界

東西州諺云

云

中間石城最佳勝二十餘年

嘗再游

錦擔垂雨頭

韭菜俗言

宛邱集詩注俗言

八月韭佛開口

時人爲蘇過語

斜川集題辭鮑廷博詩蘇氏昔元推怒虎自注

云當時語也

蘇氏三虎季虎大怒

鮑本遺事引元遺山詩注末句作叔黨爲最怒

古謠諺卷七十六終